

wātk ga dalth Lthgölthk gulth Gala-
kāt: ada dunt ginant ga Miyān ga
Shimoigiat ga na halidhāsh Nagwāt
gut David gish niat;

33 Ada gup lthā dum wilat algia-
ga na wālpsh Jacobit; ada althga
dum dī wil shabālth na kingdom gut,

34 Ada housh Mary gish ga angel
ga, N'dalth dum wila wāl nahou'unt,
dha, al na wha wilailth ligi yōt?

35 Ada dīlamak gish ga angel ga
ada hōuit gish niat, Dum goiduksha
Am da Haiga da lakont, ada dunt
tka ligungū'un ga na gunauzunak
gish ga na gut-giatsh ga Galakāt ga;
nīnī dum gun shūwātḡ ga dum ksha-
laklaga dida gwan alth holy Lthgō-
lthk gish ga Shimoigiat ga Lakāga.

36 Ada nī, lthgwa tka'aunt Elisa-
beth, ltha dī gwā'adumltk ga dida
dum lthgölthgum yōdit a ltha al
wudagiat dit: ada ltha gaul da kgi-
muksha dit gū nat shūwāda dalth
whati lthgölthk.

37 Awil althga dī wha gutgiatsh
ga na algiaksh ga Shimoigiat ga
Lakāga.

38 Ada housh Mary ga, Nī, na
tḡulwāulimltghum hanaksh ga Mi-
yān ga; am dum wāl dī da goi nī-
hōuda na algiagunt. Ada wilt qudak-
shit ga angel ga.

39 Ada wila haldum bāsh Mary
ga, ada diltsh gut gaush ga gāiam
lakdīdīm lakypō ga, awāsh ga gūelt
ga gulzabum Juda ga:

40 Ada ziint gish ga wālpsh Zac-
hariah ga, adat dhoiyukshish Elisa-
beth ga.

41 Ada wil wālt ga, lthat naknōit
gut Elisabeth ga dhoiyuksh Mary
ga, ada wil lūgabakshk gish ga
lthquaumlthk ga gish ga zum nash-
gū'umlthk gut ga; ada holtk gish
Elisabeth gish ga Amt ga Haik ga:

42 Ada wilt kshalthaudash ga am-
houit gish ga wiamhouit gish ga,

houit ga, Gumgaulth wān a shpagait
hanānagut, ada gumgaulth wāl dum
dagoiduksha na nashgū'umlthk gut.

43 Ada n'dalth wil wātk ga gwai-
ya goi, ā za goiduksh ga naush ga
Miyānī ga goi?

44 Awil nī, hīgoiduksha amhoum
dhoiyagun da zumōyūt, ada wil lūga-
bakshk ga lthquaumlthk ga da zum
nashgū'umlthk gūt a lthgwishgū
dit.

45 Gumgaulth wāl a shimhoudik-
sha dit; āwil dum lūhoigiaguntk ga
gau nat maltha dash niat wātk gut
gish ga Miyān ga.

46 Ada housh Mary ga, Lthaud
ash ga na auzunī ga Miyān ga;

47 Ada lthgwishgū na haigī gish
ga Shimoigiat Hamaut gī ga.

48 Awil lthat tikinish ga na mauk
gash ga tḡulwāulimltk gut ga: āwil
nī, wātk ga dida gīaōn tḡānī wil shi-
shawa'nt ga giat dum in shawātū
daltht gumgautk.

49 Awil niat ga gū gutgiadit ga
lthat in lthautūt; ada n'lthōduksh
ga wāt ga.

50 Ada gumgaud gish ga nakpi-
zūt gish niat: ā tḡānī wil-shisha-
wa'nt ga giadit..

51 Gwuniazunt ga gutgiat gish ga
anont ga; lthat bōlsh ga ashazukshit
ga a na wilwāluksh ga gūgaud ga.

52 Lthat tḡakshwan dit ga gutle-
dit ga ash ga na alwil-liwānt ga;
adat shalakūsh ga makmanauk gut
ga.

53 Sha ilzaidat ga l-qudidit ga a
ām da gaut; ada alt gulāmīānsh ga
amagawālt ga.

54 Wilt a'abuksh ga na gumgaud
ga gunt lthimaumsh ga tḡulwāulim-
lthk gut-gut Israel;

55 N'ltha gup ēshk gut gish ga na
ganagwāt gumt, dup Abraham, dilt
klthgūt ga lthā dum wila wāl dit.

56 Ada gwilish ga gīamuk ga